

## PRIMJENA PROGRAMSKOG PAKETA MATHEMATICA U ANALIZI LINEARIZIRANE STABILNOSTI EKVILIBRIJUMA JEDNOG SISTEMA DIFERENTNIH JEDNAČINA

Aladin Crnkić, Fatka Kulenović

Tehnički fakultet, Bihać, dr. I. Ljubljankića bb, Bosna i Hercegovina, aladin.crnkic@hotmail.com

**Ključne riječi:** sistem differentnih jednačina, ekvilibrijum, stabilnost, Mathematica

### SAŽETAK:

U ovom radu razmatrat ćemo sistem racionalnih differentnih jednačina u ravni:

$$\begin{cases} x_{n+1} = \frac{x_n}{A_1 + y_n}, \\ y_{n+1} = \frac{y_n}{A_2 + x_n}, \end{cases} \quad n = 0, 1, 2, \dots \quad (1)$$

gdje su parametri  $A_1$  i  $A_2$  pozitivni realni brojevi, a početni uslovi  $x_0$  i  $y_0$  su nenegativni proizvoljni brojevi. Odredit ćemo karaktere stabilnosti ekvilibrijuma sistema, te primjenom programske pakete Mathematica slikovito prikazati ponašanje racionalnog dinamičkog sistema (1) u određenim oblastima.

### 1. UVOD

Pojam differentne jednačine javlja se još u ranom srednjem vijeku u raspravi *Liber abaci*, koju je napisao italijanski matematičar Leonardo Pizano, odnosno čuveni Fibonači. U ovoj raspravi opisan je naime problem s kunićima. Differentne jednačine, odnosno sistemi differentnih jednačina imaju sve širu primjenu u mnogim područjima nauke, prije svega u matematičkoj biologiji, epidemiologiji i ekonomiji, gdje  $(n+1)$ -va generacija ili stanje sistema zavisi od prethodnih  $n$  generacija ili stanja. Njima se opisuju diskretni matematički modeli, za razliku od diferencijalnih jednačina kojim se opisuju kontinuirani matematički modeli. Problem proučavanja differentnih jednačina i sistema differentnih jednačina je inače znatno složeniji od sličnih problema s diferencijalnim jednačinama. Naime, dok smo kod diferencijalnih jednačina najčešće mogli dobiti opće (globalne) rezultate, kod differentnih jednačina to uglavnom nije tako, izuzev donekle u slučaju linearnih differentnih jednačina.

U ovom radu pisat ćemo o kompetitivnim diskretnim dinamičkim sistemima u ravni. Krenut ćemo od osnovnih rezultata, te njihova primjena na jednom konkretnom primjeru kompetitivnog sistema. Razmatrat ćemo sistem (1) koji je proučavan u radu [5].

Kompetitivne i kooperativne sisteme proučavali su mnogi matematičari. Jedan od razloga zbog kojih su dvodimenzionalni diskretni kompetitivni i kooperativni sistemi jako važni je njihova velika primjena i činjenica da mnogi primjeri matematičkih modela u biologiji i ekonomiji koji uključuju kompeticiju ili kooperaciju su modeli koji uključuju dvije vrste. Drugi razlog je taj što je teorija dvodimenzionalnih kompetitivnih i kooperativnih sistema dobro razvijena, za razliku od takve teorije za tri i višedimenzionalne sisteme. Da bi budućim istraživačima i čitaocima približili ovu složenu materiju, autori su u razmatranom primjeru, koristeći softver Mathematica, te paket Dynamica 3.0, slikovito dali prikaze ponašanja rješenja racionalnog dinamičkog sistema (1) u određenim oblastima.

Mathematica je matematički softver (jezik i paket) za simboličko i numeričko rješavanje problema iz svih poznatih oblasti matematike, fizike i drugih oblasti nauke. Namjenjena je kako korisnicima (učenicima, studentima, inženjerima) za rješavanje već poznatih, proučenih problema, tako i istraživačima koji je mogu upotrijebiti za najkomplikovanije proračune i analize. Posebno je pogodan za obradu numeričkih podataka, sposobnost simboličkog procesiranja i sistem za grafičko prikazivanje podataka i funkcija.

## 2. OSNOVNI REZULTATI

Posmatrajmo sistem diferentnih jednačina

$$\begin{cases} x_{n+1} = f(x_n, y_n) \\ y_{n+1} = g(x_n, y_n) \end{cases}, \quad n = 0, 1, 2, \dots, \quad (x_0, y_0) \in P, \quad (2)$$

gdje je  $P \in \mathbb{R}$ ,  $T = (f, g) : P \rightarrow P$  i funkcije  $f$  i  $g$  neprekidne. Pretpostavimo da početna tačka  $(x_0, y_0)$  leži u domenu  $T$ , pa tako sistem (2) definira  $\{(x_n, y_n)\}$  za sve  $n \geq 0$ . Kad je funkcija  $f$  neopadajuća po  $x$  i nerastuća po  $y$  i funkcija  $g$  je nerastuća po  $x$  i neopadajuća po  $y$ , sistem (2) nazivamo kompetitivnim. Kad su funkcije  $f$  i  $g$  neopadajuće i po  $x$  i po  $y$  sistem (2) nazivamo kooperativnim.

### Definicija 2.1

Tačka ekvilibrijuma sistema (2) je tačka  $E(\bar{x}, \bar{y}) \in \mathbb{R}^2$  takva da je

$$\begin{cases} \bar{x} = f(\bar{x}, \bar{y}) \\ \bar{y} = g(\bar{x}, \bar{y}) \end{cases}$$

To jest,  $E(\bar{x}, \bar{y})$  je fiksna tačka funkcije  $T$ .

U narednoj definiciji definisat ćemo stabilnost ekvilibrijuma sistema diferentnih jednačina. Označimo sa  $\|\cdot\|$  euklidovu normu u  $\mathbb{R}^2$  definisanu sa

$$\|(x, y)\| = \sqrt{x^2 + y^2}.$$

### Definicija 2.2

- Tačka ekvilibrijuma  $E(\bar{x}, \bar{y})$  sistema (2) se naziva stabilnom ako za svako  $\varepsilon > 0$  postoji  $\delta > 0$  tako da  $\|(x_0, y_0) - (\bar{x}, \bar{y})\| < \delta$ , implicira  $\|(x_n, y_n) - (\bar{x}, \bar{y})\| < \varepsilon$ , za sve  $n \geq 0$ .  
Inače se ekvilibrijum  $E(\bar{x}, \bar{y})$  naziva nestabilnim.
- Tačka ekvilibrijuma  $E(\bar{x}, \bar{y})$  sistema (2) se naziva asimptotski stabilnom ako je ona stabilna i postoji  $\gamma > 0$  tako da  $(x_n, y_n) \rightarrow (\bar{x}, \bar{y})$  kad  $n \rightarrow \infty$  za svaku  $(x_0, y_0)$  za koje vrijedi  $\|(x_0, y_0) - (\bar{x}, \bar{y})\| < \gamma$ .

Predmet proučavanja teorije stabilnosti je analiziranje ponašanja rješenja blizu tačke ekvilibrijuma, specijalno, da li se one približavaju ili razilaze od tačke ekvilibrijuma. Primjenom Schur-Cohnovog kriterija dobivamo Teorem koji daje potrebne i dovoljne uvjete za lokalnu stabilnost ekvilibrijuma.

Svojstvene vrijednosti  $\lambda_i$  matrice  $J_T(\bar{x}, \bar{y})$  su korijeni jednačine

$$\det(J_T(\bar{x}, \bar{y}) - \lambda I) = \begin{vmatrix} \frac{\partial f}{\partial x}(\bar{x}, \bar{y}) - \lambda & \frac{\partial f}{\partial x}(\bar{x}, \bar{y}) \\ \frac{\partial f}{\partial y}(\bar{x}, \bar{y}) & \frac{\partial g}{\partial y}(\bar{x}, \bar{y}) - \lambda \end{vmatrix} = 0$$

ili kraće, jednačine

$$\lambda^2 - p\lambda + q = 0, \quad (3)$$

pri čemu su

$$p = \operatorname{Tr} J_T(\bar{x}, \bar{y}) = \frac{\partial f}{\partial x} + \frac{\partial g}{\partial y} \quad i \quad q = \det J_T(\bar{x}, \bar{y})$$

### Teorem 2.1

Neka je  $T = (f, g)$  neprekidna i diferencijabilna funkcija definisana na otvorenom skupu  $P \subset \mathbb{R}^2$  i neka je  $E(\bar{x}, \bar{y}) \in P$  ekvilibrijum preslikavanja  $T$ . Tada vrijedi:

- a) Ako oba korijena kvadratne jednačine (3) leže u otvorenom jediničnom disku  $|\lambda| < 1$ , onda ekvilibrijum  $E$  sistema (2) je lokalno asimptotski stabilan.
- b) Ako najmanje jedan od korijena jednačine (3) ima absolutnu vrijednost veću od jedan, onda ekvilibrijum  $E$  sistema (2) je nestabilan.
- c) Potreban i dovoljan uvjet da oba korijena jednačine (3) leže u otvorenom jediničnom disku  $|\lambda| < 1$ , je  $|p| < 1 + q < 2$ . U tom slučaju lokalno asimptotski stabilan ekvilibrijum  $E$  se naziva sink.
- d) Potreban i dovoljan uvjet da oba korijena jednačine (3) imaju absolutnu vrijednost veću od jedan je  $|q| > 1$  i  $|p| < |1 + q|$ . U tom slučaju nestabilni ekvilibrijum  $E$  se naziva repeler ili izvor.
- e) Potreban i dovoljan uvjet da jedan korijen jednačine (3) ima absolutnu vrijednost veću od jedan, a da drugi ima absolutnu vrijednost manju od jedan je

$$p^2 - 4q > 0 \quad i \quad |p| > |1 + q|.$$

U tom slučaju nestabilni ekvilibrijum  $E$  se naziva sedlasta tačka ili sedlo.

- f) Potreban i dovoljan uvjet da najmanje jedan korijen jednačine (3) ima absolutnu vrijednost jednaku jedan je

$$|p| = |1 + q| \quad ili \quad q = 1 \quad i \quad p \leq 2.$$

U tom slučaju ekvilibrijum  $E$  se naziva nehiperbolički ekvilibrijum.

Treba napomeniti da je metod linearizacije, vjerovatno prvi metod koji je korišten u teoriji stabilnosti. Metodu linearizacije su među prvima koristili Ljapunov, Perron i Poincare u proučavanju stabilnosti rješenja diferencijalnih jednačina.

### 3. TAČKE EKVILIBRIJUMA

Tačke ekvilibrijuma  $E(\bar{x}, \bar{y})$  sistema (1) zadovoljavaju sljedeći sistem jednačina:

$$\bar{x} = \frac{\bar{x}}{A_1 + \bar{y}}, \quad (4)$$

$$\bar{y} = \frac{\bar{y}}{A_2 + \bar{x}}. \quad (5)$$

Iz jednačine (4) dobivamo

$$\bar{x} - \frac{\bar{x}}{A_1 + \bar{y}^2} = 0,$$

što je ekvivalentno jednačini

$$\bar{x} \left( 1 - \frac{1}{A_1 + \bar{y}^2} \right) = 0 \Leftrightarrow \bar{x} = 0 \vee \bar{y} = \sqrt{1 - A_1}$$

Iz jednačine (5) dobivamo

$$\bar{y} - \frac{\bar{y}}{A_2 + \bar{x}^2} = 0,$$

što je ekvivalentno jednačini

$$\bar{y} \left( 1 - \frac{1}{A_2 + \bar{x}^2} \right) = 0 \Leftrightarrow \bar{y} = 0 \vee \bar{x} = \sqrt{1 - A_2}$$

Dobivamo dvije tačke ekvilibrijuma

$$E_0(0,0)$$

i

$$E_+(\sqrt{1 - A_2}, \sqrt{1 - A_1}), \quad A_1, A_2 \in (0, 1).$$

Dodatno, ako je  $A_1 = 1$  onda svaka tačka na  $x$ -osi je tačka ekvilibrijuma, a ako je  $A_2 = 1$  onda svaka tačka na  $y$ -osi je tačka ekvilibrijuma. Konačno, ako je  $A_1 = A_2 = 1$  onda se obje tačke ekvilibrijuma  $E_0$  i  $E_+$  podudaraju, pa svaka tačka na nekoj od koordinatnih osa je tačka ekvilibrijuma.

#### 4. ANALIZA LINEARIZIRANE STABILNOSTI

Preslikavanje  $T$  pridruženo sistemu (1) je dato sa

$$T(x, y) = \left( \frac{x}{A_1 + y^2}, \frac{y}{A_2 + x^2} \right).$$

Jakobijan preslikavanja  $T$  je

$$J_T(x, y) = \begin{pmatrix} \frac{1}{A_1 + y^2} & -\frac{2xy}{(A_1 + y^2)^2} \\ \frac{2xy}{(A_2 + x^2)^2} & \frac{1}{A_2 + x^2} \end{pmatrix}.$$

Vrijednost Jakobijskog pridruženog preslikavanju  $T$  u tački ekvilibrijuma  $E(\bar{x}, \bar{y})$  je

$$J_T(\bar{x}, \bar{y}) = \begin{pmatrix} \frac{1}{A_1 + \bar{y}^2} & -\frac{2\bar{x}\bar{y}}{(A_1 + \bar{y}^2)^2} \\ -\frac{2\bar{x}\bar{y}}{(A_2 + \bar{x}^2)^2} & \frac{1}{A_2 + \bar{x}^2} \end{pmatrix}. \quad (6)$$

Determinanta Jakobijskog (6) je

$$\det J_T(\bar{x}, \bar{y}) = \frac{1}{(A_1 + \bar{y}^2)(A_2 + \bar{x}^2)} - 4\bar{x}^2\bar{y}^2.$$

a trag Jakobijskog (6) je

$$\text{Tr} J_T(\bar{x}, \bar{y}) = \frac{1}{A_1 + \bar{y}^2} + \frac{1}{A_2 + \bar{x}^2}$$

##### Teorem 4.1

- i. Pretpostavimo da je  $A_1 > 1$  i  $A_2 > 1$ . Tada je ekvilibrijum  $E_0$  sistema diferentnih jednačina (1) lokalno asimptotski stabilan.
- ii. Pretpostavimo da je  $A_1 < 1$  i/ili  $A_2 < 1$ . Tada je ekvilibrijum  $E_0$  sistema diferentnih jednačina (1) nestabilan. Preciznije, ekvilibrijum  $E_0$  je sedlasta tačka ako je  $A_1 < 1$  i  $A_2 > 1$  ili ako je  $A_1 > 1$  i  $A_2 < 1$  a repeler ako je  $A_1 < 1$  i  $A_2 < 1$ .

**Dokaz:**

Vrijednost Jakobijana preslikavanja  $T$  u tački ekvilibrijuma  $E_0(0,0)$  je

$$J_T(0,0) = \begin{pmatrix} \frac{1}{A_1} & 0 \\ 0 & \frac{1}{A_2} \end{pmatrix}. \quad (7)$$

Determinanta Jakobijana (7) je

$$\det J_T(0,0) = \frac{1}{A_1 A_2}$$

a trag Jakobijana (7) je

$$\text{Tr} J_T(0,0) = \frac{1}{A_1} + \frac{1}{A_2}.$$

Dakle, odgovarajuća karakteristična jednačina je sljedećeg oblika:

$$\lambda^2 - \left(\frac{1}{A_1} + \frac{1}{A_2}\right)\lambda + \frac{1}{A_1 A_2} = 0,$$


ili u ekvivalentnom obliku

$$\left(\lambda - \frac{1}{A_1}\right)\left(\lambda - \frac{1}{A_2}\right) = 0,$$

a njeni korijeni su

$$\lambda_1 = \frac{1}{A_1} \text{ i } \lambda_2 = \frac{1}{A_2}.$$

Ako je  $|A_1| > 1$  i  $|A_2| > 1$  tada slijedi da je  $|\lambda_1| < 1$  i  $|\lambda_2| < 1$ , te na osnovu toga zaključujemo da je ekvilibrijum  $E_0(0,0)$  lokalno asimptotski stabilan. Ako je  $|A_1| < 1$  i  $|A_2| > 1$  tada slijedi da je  $|\lambda_1| > 1$  i  $|\lambda_2| < 1$ , ili ako je  $|A_1| > 1$  i  $|A_2| < 1$  tada slijedi da je  $|\lambda_1| < 1$  i  $|\lambda_2| > 1$ , te na osnovu toga zaključujemo da je ekvilibrijum  $E_0$  sedlo. Ako je  $|A_1| < 1$  i  $|A_2| < 1$  tada slijedi da je  $|\lambda_1| > 1$  i  $|\lambda_2| > 1$ , te na osnovu toga zaključujemo da je ekvilibrijum  $E_0$  repeler.



Slika 1: Na slici a) prikazani su ekvilibrijumi  $E_0$  i  $E_+$ , koji su dobiveni kao presjek kritičnih krivih. Na slici b) svaka tačka na  $y$ -osi predstavlja tačku ekvilibrijuma  $E_+$ . Na svakoj slici su različite početne tačke. Slika je dobivena koristeći softver Wolfram Mathematica 7.

**Teorem 4.2**

- i. Prepostavimo da je  $|A_1| < 1$  i  $|A_2| < 1$ . Tada je ekvilibrijum  $E_+$  sistema diferentnih jednačina (1) sedlasta tačka.
- ii. Prepostavimo da je  $|A_1| = 1$ . Onda svaka tačka na nenegativnoj  $x$ -osi je nehiperbolički ekvilibrijum sistema (1). Prepostavimo da je  $|A_2| = 1$ . Tada svaka tačka na nenegativnoj  $y$ -osi je nehiperbolički ekvilibrijum sistema (1). Konačno, ako je  $|A_1| = |A_2| = 1$ , onda je svaka tačka na obje nenegativne poluose nehiperbolički ekvilibrijum.

**Dokaz:**

Vrijednost Jakobijana preslikavanja  $T$  u tački ekvilibrijuma  $E_+(\sqrt{1-A_2}, \sqrt{1-A_1})$  je

$$J_T(E_+) = \begin{pmatrix} 1 & -2\sqrt{(1-A_1)(1-A_2)} \\ -2\sqrt{(1-A_1)(1-A_2)} & 1 \end{pmatrix}. \quad (7)$$

Determinanta Jakobijana (7) je

$$\det J_T(E_+) = 1 - 4(1-A_1)(1-A_2),$$

a trag Jakobijana (7) je

$$\text{Tr } J_T(E_+) = 2.$$


Dakle, odgovarajuća karakteristična jednačina je sljedećeg oblika:

$$\lambda^2 - 2\lambda + 1 - 4(1-A_1)(1-A_2) = 0,$$

a njeni korijeni su

$$A_1 = 1 + 2\sqrt{(1-A_1)(1-A_2)} \text{ i } A_2 = 1 - 2\sqrt{(1-A_1)(1-A_2)}.$$

Ako je  $A_1 < 1$  i  $A_2 < 1$  tada slijedi da je  $|A_1| > 1$  i  $|A_2| < 1$ , te na osnovu toga zaključujemo da je ekvilibrijum  $E_+$  sedlo. Ako je  $A_1 = 1$  tada slijedi da je  $|A_1| = 1$  i  $|A_2| = 1$ , te na osnovu toga zaključujemo da je ekvilibrijum  $E_+$  nehiperbolički ekvilibrijum. Odnosno svaka tačka na nenegativnoj  $x$ -osi je nehiperbolički ekvilibrijum sistema (1). Ako je  $A_2 = 1$  tada slijedi da je  $|A_1| = 1$  i  $|A_2| = 1$ , te na osnovu toga zaključujemo da je ekvilibrijum  $E_+$  nehiperbolički ekvilibrijum. Odnosno svaka tačka na nenegativnoj  $y$ -osi je nehiperbolički ekvilibrijum sistema (1). Konačno, ako je  $A_1 = A_2 = 1$  onda je svaka tačka na obje nenegativne poluose nehiperbolički ekvilibrijum.



Slika 2: Na slici a) svaka tačka na  $x$ -osi predstavlja tačku ekvilibrijuma  $E_+$ . Na slici b) svaka tačka na  $x$ -osi ili  $y$ -osi predstavlja tačku ekvilibrijuma  $E_0 = E_+$ . Na svakoj slici su različite početne tačke. Slika je dobivena koristeći softver *Wolfram Mathematica* 7.

#### 4. LITERATURA

- [1] A. Crnkić: *Dinamika monotonih i antimonotonih racionalnih sistema diferentnih jednadžbi*, Magistarski rad, Zenica, 2013.
- [2] M.R.S. Kulenović, G. Ladas, *Dynamics of Second Order Rational Difference Equations with Open Problems and Conjectures*, Hall/CRC Press, Boca raton, London, 2001.
- [3] M.R.S. Kulenović, O. Merino, *Discrete Dynamical System and Difference Equations with Mathematica*, Chapman & Hall/CRC Press, Boca raton, London, 2002.
- [4] M.R.S. Kulenović, M. Nurkanović, *Asymptotic Behavior of Two Dimensional Linear Fractional System of Difference Equations*, Radovi Matematički, 11 (2002), 59-78.
- [5] DŽ. Burgić, M.R.S. Kulenović, M. Nurkanović: *Global Dynamics of a Rational System of Difference Equations in the Plane*, Communications of Applied Nonlinear Analysis, 15(2008), 71-84.
- [6] E. Camouyis, M.R.S. Kulenović, G. Ladas, O. Merino: *Rational Systems in the Plane*, J. Difference Equation and Applications, 15(2009), 303-323.